

Camurriusa, Capricciusa, Piducchiusa

(Commedia brillante in due atti)

(di Calogero e Rosanna Maurici)

PERSONAGGI

‘Ntunietta	(la suocera)
Filippo	(il marito di ‘Ntunietta)
Pietro	(il genero)
Katia	(la figlia di ‘Ntunietta)
Isabella	(l’altra figlia)
Franco	(il marito di Isabella)
Donato	(l’amico di Pietro)
Tina	(la vicina)
Lucia	(la fidanzata di Donato)

**Tel-Autori:Fisso: 090/638009
Calogero- cell: 339/3359882
Rosanna- cell: 3490730285**

Camurriusa, Capricciusa, Piducchiusa...

(Commedia brillante in due atti)

(di Calogero e Rosanna Maurici)

Katia e Pietro, sposati da circa un anno si trovano in un momento di difficoltà economica, essendo Pietro da circa quattro mesi in cassa integrazione. Con amarezza hanno dovuto lasciare la casa (circa venti chilometri dalla madre di Katia) nella quale vivevano in affitto, poiché 'Ntunietta (madre di Katia) ha messo loro a disposizione una casa vicino la sua che era dei nonni per far risparmiare l'affitto. Ma qui la vita degli sposini si complica perché la madre, suocera invadente ed asfissiante come la definisce il genero, toglie loro quella libertà ed intimità che una coppia normale deve avere. 'Ntunietta, infatti spesso e volentieri si reca dalla figlia, per'altro anchecol marito reduce da un ictus e anche sordo, per consigliarla, aiutarla, con ovvia insofferenza del genero. Un amico di Pietro, buontempone, complice di uno scherzo alla suocera invadente; una vicina di casa (pettegola) che si diverte a fare il doppio gioco con la comare 'Ntunietta e col genero, sono i ritmi sempre accesi di questa commedia senza cadere mai di tono. (tema attuale)

La scena rappresenta: tavolo, sedie, quadri, poltrona, credenza, qualche mobile e quant'altro richiede una stanza adibita a salone o cucina.

S C E N A I°**(Pietro e Donato)**

- Pie. (mentre gioca a carte con l'amico Donato, Pietro fa capire già che è molto nervoso) Guarda, tri scupi facisti, è inutile non mi pozzu concentrari (si alza molto nervoso) fatti qualchi solitario picchi non pozzu giucari...mi 'nni issi a stari a dumila chilometri di distanza.
- Don. Ormai nenti cuncludissitu, ti vinissi a piscari anchi America! Cci pigliau gustu... e non vinia tantu assai prima picchi era sempre 'nni tò cugnatu 'nna figlia chiù granni; per ora ti la chiangiri... poi puru cu stu fattu da cassa integrazione...
- Pie. Però i me cugnati dicinu ca si l'abbatteru ppi davanti e cci ficiru livari 'u vizio...Donà, avianu perdutu a libertà, eranu peggju d'un carceri Donà...
- Don. Picchi tu comu si!..
- Pie. Mu ricordi sempre... (arrabbiato)
- Don. Purtroppo quannu si trova na soggira accussi...appiccicusa, camurriusa...
- Pie. Appiccicusa e camurriusa? Chissi dui cosi suli cci metti? Senti: Capricciusa, Camurriusa, Piducchiusa, chissi sunnu i tri attributi speciali; poi ci mettu: lagnusa, curiusa, lamintusa, lastimusa, tradimintusa e mi voglio irmari asinò non finissi mai. Lei pensa che fa bene alla figlia, ma quantu mali cci fa a idda e ammia! Dici ca qualchi jornu ni lassa 'u fa, speriamo ca cuminciassi, non fussi mai troppu tardu!
- Don. Si prima non ti ricoveranu in psichiatria...
- Pie. Ah! No, prima c'arrivassi ospidali a ghittassi fora comu fici me cugnatu. Ma tu ci pensi pi quasi due anni a suppartaru, comu non caderu malati mancu u sacciu, io in pochi misi mi sentu martoriatu...(la imita) Non mangiati mozzarella c'avi troppu grassu e acchiana u colestitolo, non mangiati fagioli assai ca si forma troppu aria e poi scoreggiate sempre, non biviti cose gasassati ca vi rovina u stomacu....Donato li misi in cruci ai me cugnati e la stessa cosa fa ccà dintra!

CAMURRIUSA, CAPRICCIUSA, PIDUCCHIUSA

Don. Menumali ca maritu e mughieri si misru d'accordu e l'affrontaru...
(lo guarda pietoso) mali ti vidu...mali!

Pie. E finiscila, un picchiù si!...

Don. Ma ti dicu chiddu chi pensu...continua va!

Pie. Non si putianu dari mancu 'nna vasata ca subito scuppava idda; me
cognatu Franco mi dissi ca s'avia scurdatu comu si facia...

Don. Tu, ancora tu ricordi?...

Pie. Tu scherzi, io a due anni non cci voglio arrivari e tu Donato, amico mio devi
aiutarmi...fatti veniri qualchi cosa 'nmenti, qualchi scherzu, 'nni fai
tanti a tutti e proprio a idda non cci la ma cuminari?...

Don. Quannu non 'nni poi cchiù mu dici, ca cci facemu pigliari qualchi scantu
di chiddi fenomenali, accussi non cci metti cchiù pedi ccà dintra.

Pie. Tu stai pronto ca non passa assai...ora a complicari a situazioni si cci
misi puru me soggiru!

Don. Comu stà...

Pie. Mischinu!..non è cchiù bonu di testa, a chi capisci a chi non capisci, a chi è
a chi cci senti a chi è surdu, certi voti spara cavulati... prima quannu era
bonu a me soggira cci dava mastu, ora invece non la po' teniri nuddu cchiù..

Don. Purtroppo sta situazione da cassa integrazione non cci vulia, speriamo ca
si risolve...

Pie. Almeno m'aiutassi che spisati! Sulu a casa misi a disposizione, cci detti
'nna lavata di facci e sparti a pittura a fici accattari ammia, poi ogni vota
ca veni ccà, si scorda sempre i soldi, e iu spennu...spennu...
(Donato lo guarda pensieroso) Chi hai, chi stai pinsannu...

Don. Sintennu attia io non mi maritu, mi scuraggiu, e si truvassi a una chi avi
'nna mamma comu a tò soggira!

Pie. Comu a me soggira non cinnè.

CAMURRIUSA, CAPRICCIUSA, PIDUCCHIUSA

- Don. Asinò m'avissi a truvari a 'nna picciotta senza matri e s'avissi 'u patri avissi a essiri bonu di testa.
- Pie. Ma tannu me soggiru bonu era, e a me soggira pari ca frequentava iu...
- Don. (si alza) Si proprio disperato! Si tò mughieri non si decidi a chiuderi sta situazioni, cci pinsamu nautri, quannu voi cci priparamu qualchi bella sorpresa!
- Pie. Al più presto Donato (gli stringe la mano) Anzi ti abbraccio...
- Don. Mah! Sintennu attia, si m'avissi a fari zitu a prima cosa chi cci dicissi fussi: Lucia!...
- Pie. Lucia! Picchi Lucia...
- Don. Si non si chiama Lucia non ma pigliu, ppi la bonarmuzza di me nonna! Lucia, tò matri è morta o viva? Picchi si è morta, va beni, si è viva prima a vulissi canusciri bona chi razza di piru è...magari prima praticassi a idda.
- Pie. Bonu fai, tannu non cci pinsavu a chissu...
- Don. Ora famminni iri, picchi a ma organizzari 'nna seduta spiritica dintra Giacintu Ammuca tuttu, è convintu ca so ziu cci parla ancora...
- Pie. Puru me soggira è una chi ammuca tuttu, è 'nna credulona, figurati cridi a l'incarnazioni...
- Don. L'incarnazioni? Di l'unghia?!
- Pie. Ma quali unghia...cridi ai spiriti...è superstiziosa e super stizzusa...
- Don. Certi voti ti spieghi comu un libru chiusu. Comunque si cridi e spiriti è meglio accussi mi veni cchiù facili ancora...fammi sapiri.(saluta ed esce)

S C E N A II°
(Katia, Pietro, 'Ntunietta, Filippo)

Pie. 'U megliu è iddu ca è scapulu...iu non cci fici capiri nenti, ma mu staiu scurdannu veru comu si fa, avi chi non haiu un pocu d'intimità cu me mughieri...Quannu travagghiava, 'u jornu ca non c'era me soggira arrivava stancu mortu do trovagghiu e m'alliuppava (fa il gesto) sonnu tremendu...Quannu arrivava cchiù riposatu, cu scoppava?...
Dda disgaziata!..(passeggia nervoso) Ma si non a finisci cu li boni, finisce con le cattive...(entra Katia la moglie, con la borsa della spesa)

Kat. Amore...

Pie. Katia chi facisti...

Kat. Tutti cosi fici...tuttu aumenta e si una non stà attenta a chiddu c'accatta!.. Spinnivu trentamilaliri...

Pie. Trenta mila liri!? E c'accattasti!..

Kat. O supermecatu 'ncuntravu a me matri, s'avia scurdatu i soldi dintra e cci pristavu sidici mila liri.

Pie. (le mani in testa, disperato) Puru o supermercatu!

Kat. (avvicinandosi al marito) Pietro, che dovevo fare, 'u sai ca poi 'nni duna 'u doppiu...

Pie. E poi idda si piglia 'u triplu...

Kat. Per ora 'nni fa cumpagnia...

Pie. Per ora 'nni fa asfissia...e si 'nni facissi cchiù picca fussi megliu, anzi nenti, fussi megliu ancora...(breve pausa) Certu a casa è soa!...

Kat. 'U sacciu ca certi voti è insopportabile, ma è me matri, è tropu gelusa, cci pari ca sugnu ancora figlia di famiglia!

Pie. Katia un saccu di voti amu parlatu di stu fattu, fussi 'u mumentu ca 'nni facemu sentiri...

Kat. Pari ca non sugnu pronta!

CAMURRIUSA, CAPRICCIUSA, PIDUCCHIUSA

Pie. Ma picchi non si comu tò soru...ca quasi quasi a ghittau fora.

Kat. Non è ca ghittau fora, cci 'nni dissi quattru belli boni ca a fici rimbambiniri.

Pie. E poi cuminciau cu nautri a scaltriri!

Kat. Di quannu cci 'nni dissiru quattru, cci v'na vota l'annu!

Pie. Nautri cci nidecemu dui, anchi si veni 'nna vota ogni sei misi m'accontentu, picchi tutti i jorna è ccà...tutti i jorna!

Kat. Capita ca qualchi jornu non veni.

Pie. Poi recupera e veni tri e quattru voti o jornu e sempre ccà si curca, e nei momenti di intimità idda scoppa e iu resto comu un baccalà...

Kat. Hai ragiuni 'u maritu, ma iu non haiu 'u caratteri di me soru, e poi me soru resistiu quasi dui anni...

Pie. Non parlari di due anni, picchi mancu tu resistissitu, ammia o manicomio mi purtassiru.

Kat. O supermercatu mi dissi ca veni dumani...

Pie. Menumali, allura avemu tutta a sirata e tutta a nuttata...

Kat. Si amore...

Pie. Quasi quasi non cci cridu... Katia quannu decidemu di aviri 'nna vita normale come tutti gli sposi...

Kat. Non ti preoccupari ca sistimamu tuttu!... Pietro, quannu decidemu di aviri un picciliddu...(cominciano a tenersi)

Pie. Quannu tò matri 'nni lassa un pocu di tempu!

Kat. Pietro, abbrazzami stritta stritta!

Pie. Si Katia, semu sulì...e speriamo ca mi ricordo cumu si fa...
(in quel momento si abbracciano e squilla il telefono)

Kat. Quantu vaiu, videmu cu è...(v'na) Pronto...ah! Mamma tu si!...

CAMURRIUSA, CAPRICCIUSA, PIDUCCHIUSA

Pie. (si mette le mani in testa disperato) Camurria, ma chi avi un sesto senso?

Kat. Va beni, t'aspetto. (chiude)

Pie. Non sulu quannu è ccà dintra, puru cu telefonu rumpi l'ova 'nno panaru...
Chi ti dissi ca cchiù tardu veni?

Kat. Dici ca a mumenti veni a chi me patri sta megliu...Pietro a prossima vota
mittemu 'u telefonu fora postu...

Pie. Accussi cci pari ca è occupatu e scoppa subitu ccà pi rimproverari ca
parlamu assai o telefono.

Kat. Chiudemu a porta e non apremu a nuddu...

Pie. Accussi tuppia, tuppia e tuppia, cci pari ca 'nni sintemu mali e chiama
l'ambulanza... Katia a ma canciari casa, mi 'nni fregu ca risparmiamu
l'affittu...appena apri a fabbrica scumparemu subitu.

Kat. Ma stamu facennu sacrifici p'accattarinilla 'nna casa.

Pie. Ma quali sacrifici, si 'nni vannu cchiù soldi di prima,poi quannu c'è idda!...

Kat. Pietro pazienza!

Pie. Pazienza!...(guarda fissa la moglie) Quannu veni...

Kat. 'U tempu ca passava da farmacia...

Pie. Allora l'avemu un pocu di tempu, c'è sempre fudda a farmacia...
(l'abbraccia ed in quel momento entra 'Ntunietta col marito Filippo)

'Ntu. Non esagerati a mamma ca sciupati un saccu d'energii...
(I due si erano lasciati imbarazzati) Menumali ca sugnu sempre pedi pedi
asinò pi vautre cci vulissi 'nna fettina di carni o jornu e lu sapiti ca non 'nnu
putemu permettiri...

Fil. (alla moglie) Unni m'assettu.

Ntu. Si stai additta non ti fa mali.

Kat. Sediti unni voi papà...

CAMURRIUSA, CAPRICCIUSA, PIDUCCHIUSA

- Fil. (si guarda attorno) Unni semu ccà?!
- Kat. Mamma dici ca si sintia bonu e ca era lucidu?
- Ntu. Finu a deci minuti fa era bonu ora cuminciau a strammari!(poi con un certo lamento piagnucoloso) di quant'avi chi cci vinni stu colpu, pari ca l'avemu a metà!..
- Pie. (verso il pubblico) Non putia veniri a idda un colpu e ristava stinnicchiata!
- Kat. (conforta la madre) Bonu mamma...
- Ntu. Ci pensi a mamma si vinia ammia?! Comu facia tò patri pi aiutariti, che 'u stessu di 'nna matri!?
- Pie. (verso il pubblico) Magari cci pigliava a idda, a 'nchiudiamu ed eramu felici.
- Ntu. Menumali ca vinni a iddu a mamma...
- Kat. Basta mamma, dici sempre accussi...
- Ntu. Veru a mamma? Mancu mu ricordu (contemporaneamente lo ripete Pietro verso il pubblico)
- Fil. (comincia a sparare cavolate) Ogni vota ca semu ccà dintra cci sunnu sempre scerre, mi 'nni vaiu ni me jenniru Petru (si alza agitato con dei tic a piacere)
- Kat. (lo prende con la madre) Papà calmati, tò jenniru ccà è...Pietro parlaci...
- Pie. Papà iu sugnu Pietru, non mi canusci?
- Fil. Cu si tu?
- Pie. Iu sugnu...
- Fil. Pietru si...ti staiu canuscennu, ma picchi mi tiniti accussi, lassatimi stari.
- Ntu. Sta cuminciannu a ragiunari e ora non senti nenti!
- Fil. I denti? Mi lavavu assira, guarda chi sunnu bianchi... (apre la bocca)

CAMURRIUSA, CAPRICCIUSA, PIDUCCHIUSA

Ntu. Ah! Figlia mia, di quant'avi chi cci pigliau stu colpu pari ca l'avemu a metà.
(con il tono di prima, preferibilmente stavolta anche Pietro lo ripete assieme)

Kat. Mamma per favore...

Pie. Papà ora cci pigliu i carti...

Fil. Ma tu cu si!

Pie. Chiddu d'antura (lo mette a sdere e gli prende le carte)

Ntu. Forse si calma un pocu ora...'U vidi chi vita chi fazzu a mamma, a chi è bonu a chi non capisci, a chi capisci a chi è surdu (sospira) Chi vita chi facemu a mamma, specialmente quannu semu dintra soli soletti...

Pie. (verso il pubblico) ma si sunnu sempre ccà a stunaricci i scatoletti!..

Ntu. Allora a mamma, chi c'è di fari...organizzamuni: iu vulia purtari qualcosa di mangiari, ma mi scurdavu i soldi e non potti accattari nenti strada facennu. Menumali ca a spisa a facisti tu, ma si ti scurdasti qualcosa cci mannau a Petru. (avvicinandosi al genero) Tu non ti preoccupari, ca finu a chiccè stu pezzu di soggira non ti manca nenti, non ti scuraggiari ca sulì non siti, magari ni trasferemu ccà, accussi livamu di iri e viniri...

Pie. (ironico) Che bellu!

Ntu. Tantu chi ti pari ca sta cassa integrazione finisci subitu, ancora prima ca cumenci a travagghiari!...

Pie. Che bellu!...

Kat. Mamma stasira facemu toast con un po' di maionese.

Ntu. Non ti risicare a mamma, a maionese è troppu grassa, 'u colesterolo acchiana acchiananu tutti cosi...

Pie. Ammia mi scinnunu tutti cosi, nentu m'acchiana cchiù!...

Ntu. (annusa) Ma chi mangiastivu fagioli oggi?

Kat. No, picchi?

CAMURRIUSA, CAPRICCIUSA, PIDUCCHIUSA

Ntu. Sintia un odorinu...Pietru chi fusti tu?

Pie. Io sti cosi non li fazzu...

Ntu. Certu tu si attuppatu...o fu tò patri a mamma, o veni di fora...

Kat. (cambia discorso) Pigliamu qualcosa a macelleria, Pietro vacci tu...

Ntu. Mi dispiaci ca stai niscennu sti soldi, sugnu sbadata, mi scurdavu supra u tavolinu...ora i pigliu, ora i pigliu...

Pie. Ora i pigliu cu sta manu e poi cu stautra ora i lassu, avi sei misi ca si scorda.

Ntu. Chi si spiritusu...vulissi vidiri senza di mia comu facissitu, iu vegnu spissu ppi me figlia...

Pie. Si vinissi menu spissu fussi megliu...

Ntu. Chi si spiritusu...(intanto Filippo giocava a modo suo a carte)

Fil. Cu è pumatusu!

Kat. Pietro ti prego...(per togliere l'occasione)

Pie. (seccato) Che c'attari...

Kat. Piglia un pocu di figatu.

Ntu. No a mamma, di sira è troppu pisanti, non 'nni mangiari mai...

Kat. Piglia un pocu di focaccia (o pizza a taglio)

Ntu. Però semplicissima, poco pomodoro e pochissima mozzarella...
Cusapi chi pomodoro e mozzarella chi mettono!

Pie. Io ma pigliu cu li wurstel, funghi, carciofi, olive, sarde, olio e pepe...

Ntu. Tu fai comu voi, l'importante ca a nautri e a me figlia 'nna porti semplici.
(Pietro esce disperato)

SCENA III°**(‘Ntunietta, Katia, Filippo, Tina , Pietro)**

Kat. Mamma ti pregu non essiri troppu...

Ntu. (la interrompe) Troppu...stavi dicennu troppu esagerata? Ah! Figlia mia avissi ognuna ‘nna mamma comu ammia.

Fil. Unnè Pietru.

Kat. (si avvicina al padre) Ghiu accattari qualcosa pi mangiari...

Fil. A cacari?

Kat. Ora prima ca capisci cci voli un’ura!

Fil. A fà dura?! Mangia pisanti?

Ntu. Allora a mamma, i robi tutti lavati l’hai? Tutti cosi sistimati hai? Picchi iu vegnu pi dariti ‘nna bona manu d’aiutu...

Kat. Nenti cè di fari mamma.

Ntu. Megliu accussi...ah! a mamma, stasira non ti dispiaciri si ‘nni curcamu ‘nna stanza di lettu, si fussi pi mmia anchi ‘nterra, ma pi tò patri mischinu...

Kat. Ma quannu mai! ‘Nni sti misi chi aviti durmutu ccà, sempre ddà aviti durmutu, ‘nna vota sula capitau ca durmemu nautri ‘nna me stanza di lettu!

Ntu. E quannu fu ca non vinni? E comu mai! (entra Tina vicina ed amica di ‘Ntunietta, una pettegola che si diverte a fare il doppio gioco)

Tin. Permissu!

Ntu. Tinuzza, trasi trasi (si abbracciano) riturnasti do pellegrinaggio...

Tin. (saluta anche Fil. e Katia) Si sugnu ccà, certu ca riturnavu...

Kat. Quannu turnau signora ieri?

CAMURRIUSA, CAPRICCIUSA, PIDUCCHIUSA

Tin. Un'ura fa, e comu 'nna vera amica e vicinedda di casa vinni affacciari ccà, purtannuvi puru un ricordu di Padre Pio. (esce delle immaginette)

Kat. Grazie...(a Ntunietta invece le dà una grande immagine)

Ntu. Chi pinseri gentili (la fa vedere al marito) Filippo guarda...(gli e la mostra)

Fil. Cu è tò nonnu, picchi non si fa sta barba...

Tin. Mischinu, di quant'avi chi cci vinni stu colpu pari ca l'avitia metà!

Fil. Iu a ghiri 'nno bagnu...

Ntu. Katia, ci pensi tu? Giustu ca vinni me cummari, pari ca a lassu sula...
(Katia sistemava qualcosa)

Tin. Cummà, c'è bisogno di diricillu? Katia 'u sapi ca avi assai chi non 'nni videmu...sti quattu jorna mi parsiru quattu misi...vi pinsava sempre cummà...prigavu pi tutti i cristianeddi, pi tutti l'animaleddi, puri iddi sunnu creaturi du Signuri...

Fil. Mi staiu facennu di 'ncoddu...

Tin. Certi voti raggiuna cummà...

Ntu. E' chiassai quannu non raggiuna cummà...

Kat. Veni papà, t'accumpagnu iu (entrano nell'altra stanza)

Tin. Allura cummà, novità cu vostru jenniru!

Ntu. Soliti cosi cummà, è sempre saputello.

Tin. Finu a prima di partiri cci fici a predica iu, 'u trovavu sulu e cci dissi quattu cosiceddi...poi partivu e non ti potti cuntari nenti.

Ntu. (interessata) Chi cci dicistivu cummà.

Tin. I soliti cosi: non ti lamentari ca hai 'nna soggira d'oru, falla veniri quantu voli e quannu voli ca lu fa pi beni...

Ntu. E chi rispunnia!

CAMURRIUSA, CAPRICCIUSA, PIDUCCHIUSA

Tin. Dici ca prima eri camurriusa e capricciusa, ora divintasti puru appiccicusa e piducchiusa!

Ntu. Iu piducchiusa e appiccicusa, ah! Gesù..Gesù! (ripetendolo pù volte)

Tin. Cummari si vuliti un consigliu, viniti ccà dintra quantu e quannu vi pari, a casa è vostra, e vostra figlia c'è!...

Ntu. Certu ca vegnu quantu e quannu mi pari, anzi ora vegnu chiassai ancora.

Tin. Ci dissi Pietro: rispettila ca ti voli beni, ca soggiri accussi cinnè piccaredda.

Ntu. E iddu...

Tin. Dici ca si troppu lastimusa e tradimintusa...

Ntu. Iu lastimusa e tradimintusa, ah! Gesù...Gesù! (come prima)
di quantu beni chi cci fici e chi cci fazzu...cummà di quant'avi chi 'u misiru
in cassa...

Tin. (interrompendola) A cassa? A unni a Despari o a Crai?!

Ntu. A Sma!... In cassa, in cassa integrazione...non poi immaginari di quantu mi costanu!...

Tin. Purtroppo a li voti mancu i figli capiscinu i sacrifici de genitori. (esce Katia)

Kat. Mamma voli attia 'u papà, 'nni stu mumentu è lucidissimu...

Ntu. Lucidu, comu 'nna scarpa...quantu cci vaiu. (entra)

Tin. Allora Katiuccia chi mi cunti, unnè tò maritu, chi si sciarriau ci tò matri?
certi voti parunu i cani cu i gatti.

Kat. No, ghiu a pigliari un pocu di focaccia.

Tin. Certu ca to marittu non è c'avi tantu tortu...ora ora finivu di diriccillu a tò matri.

Kat. Veru?..

CAMURRIUSA, CAPRICCIUSA, PIDUCCHIUSA

- Tin. Si, cci dissi: 'Ntunietta non essiri troppu camurriusa, falli respirari a sti picciotti, cerca di veniri cchiù piccaredda...Katia si voi un consigliu diccillu, anchi al costo ca vi sciarriati tantu poi faciti paci.
- Kat. Purtroppo non voli capiri e iu non haiu curaggiu ancora d'affrontalla... me maritu avi ragiuni, io soffro chiassai di iddu...specie quannu iddu soffri.
- Tin. Di quantu prigavu a P.Piu...ci dissi: Padre Pio, oh! Padre Pio, fai ca me cummari i fa respirari a sti picciotti...(entra Pietro con un pacco nel quale c'è qualche filone di pane)
- Pie. Buona sera, signora Tina...(Tina saluta)
- Kat. E a focaccia?...
- Pie. Stasira non 'nni potti fari ca cci mancava 'u picciutteddu! E datu ca semu chiassai pigliavu nautru pocu di pani.
- Kat. Va beni, chiddu ca c'è 'nni mangiamu.
- Pie. A unnè a patruna di casa...
- Kat. Ddà dintra cu me patri, 'nno bagnu, cci vaiu videmu si hannu bisognu (và)
- Tin. Pitrineddu chi mi cunti...
- Pie. P.Piu chi cci dissi...
- Tin. Iu cci parlava, pari ca parlava iddu! Puru 'u fattu di tò soggira cci dissi, Pietru fatti sentiri, lu sacciu ca me cummari è insopportabile, ghetta fora, vi stati rovinannu 'u matrimonio, non aviti cchù libertà, non aviti cchiù intimità...non pi sapiri i fatti vostri, ma 'nn'aviti o no intimità?!
- Pie. Veramente chissi sunnu cazziceddi mei!...
- Tin. Iu senza malizia 'u dissi, pi beni vostru, finivu ora ora di diriccillu a me cummari...Ntunietta ci dissi: non essire troppu assillanti...
- Pie. E idda chi dissi...

CAMURRIUSA, CAPRICCIUSA, PIDUCCHIUSA

Tin. Dici ca non è veru, e di quant'avi ca si misu a cassa, cci fai spenniri un saccu di soldi; però Pitrieddu mi raccumanu, iu non sacciu nenti.

Pie. Non si preoccupassi, però non mi chiamassi pitrieddu ca mi duna troppu fastidiu...

Tin. Iu si avissi avutu figli, l'avissi lassatu liberi...liberi...

Pie. Katia...Katia...(Katia esce)

Kat. Chiccè Pietro.

Pie. Ancora o bagnu sunnu? Ma a stannu facennu assieme?

Kat. Avi diarrea me patri.

Pie. Tutti cosi a iddu vennu, a tò matri non cci veni mai nenti.

Tin. Katiuccia facci un pocu di limunata...

Pie. Non la chiamassi Katiuccia...

Tin. Comu vuliti, orami mi'nni vaiu (si alza) ca cci portu sti SAVANIR a la mughieri du dutturi picchi una si lu trova; a mughieri du marasciallu picchi una si lu trova; a la mughieri di l'avvocato picchi una si lu po' truvare; a lu parrinu ca una si lu trova sicuru...

Pie. A sò mughieri no?!..

Tin. Non mi faciti parlari, di quantu si 'nni sintenu...

Pie. Ma a mughieri do' Sinnacu non cci purtau nenti?

Tin. I malilingui dicinu ca 'nn'avi dui, e veramente io particolarità non 'nni voglio fari...e poi meglio perdilu ca truarisillu...cu 'nna mughieri bedda, pulita e sistimata, fa 'u cretinu...pi favori non mi faciti parlari Pitrieddu... Ora faciti iriminni iri...(mentre esce) Quantu prigavu! P.Piu, pensaci tu...

SCENA IV°
(Pietro, Katia, 'Ntunietta, Filippo, Tina)

Pie. Pi lingua a chissa, 'u porcu non cci po' fari nenti...però comu soggira dici: ca s'avissi figli i lassassi respirari, anche lei capisce ca tò matri è soffocante...

Kat. Non gridari ca si ti senti poi facemu storie...

Pie. Storie? Ccà dintra putissimu fari i romanzi; i promessi sposi: io, tu e 'nna malasoggira!..

Kat. Pietro con un po' di pazienza aggiustamu tuttu...

Pie. Ma non ti accorgi ca 'nni manca l'aria ppi respirari? Mancu cu tutti i finestri aperti putemu respirari... anche quannu non c'è 'nni manca l'ossigeno, figuramuni quannu c'è, praticamente 'naccupamu...

Kat. (mentre sta per abbracciare il marito) Puru iu, sono stufa, vedrai che con un po' di tempo in più cci parlu forti e chiaro (pronti per abbracciarsi ed esce 'Ntunietta)

Ntu. Katia, l'enterogermania l'hai?

Kat. Enterogermania si chiama, ta pigliu iu! (và assieme alla madre)

Pie. (mani in testa) Non è possibile, ma comu po' essiri ca ogni vota ca 'nni stamu 'mpicciannu, idda 'nni fà spicciari, forse segue ogni nostro movimento. (esce Katia)

Kat. Per ora senti...sulu ca sta sparannu certi cosi! (si sente gridare dall'altra stanza, Filippo grida delle cose senza senso)

Pie. Ma chi avi!

Kat. Dici paroli, a chiddu chi cci veni prima...(Filippo esce con la moglie)

Pie. Comu ti senti papà...

Fil. Ma tu cu si... (al genero)

CAMURRIUSA, CAPRICCIUSA, PIDUCCHIUSA

Pie. Chiddu di pocu fa, ‘u primu di tutti...

Fil. Iu sugnu iu secunnu? ‘U primu sugnu iu (comincia a gridare, a soggetto)

Kat. Mamma portalu ddà dintra, fallu ripusari (Fil. E Ntun. entrano)

Pie. (si siede più disperato di prima)

Kat. Pietro, spero di truvare prima possibile ‘u curaggiu...

Pie. Cchiù prima possibile, asinò ‘u trovu iu ‘u rimedio...

Kat. Fai fare tutto ammia, asinò poi attia non ti po’ vidiri cchiù.

Pie. Siccomu ‘mpazzisci ppi mmia! (Katia gli si avvicina di più)

Pie. Non m’abbrazzari asinò scoppa...(esce Ntunietta triste)

Ntu. Pari ca s’addummisciu...di quant’avi chi cci pigliau stu colpu pari ca l’avemu a metà...(Pietro si contorce per la rabbia)

Pie. (si alza arrabbiatissimo) Non ‘nni pozzu cchiù, mi vaiu a fazzu ‘nna passata a mari (esce nervosissimo)

Kat. Cci viau appressu ppi calmallu... (prima di uscire Ntunietta la blocca)

Ntu. Stai attenta mamma, si capita ca si ghittassi a mari, non ti ghittari ca tu non sai natari!

Kat. Si si ghetta moru cu iddu (esce)

Ntu. Chiddu chi mi tocca suppartari, stu me jenniru è propri camurriusu, capricciusu e puru piducchiusu sta divintannu...(entra Tina)

Tin. Cummà chi succidiu, vitti a Pietru ca nisciu furiusu, stava stinnennu i robì e macari mi caderu tutti sutta.

Ntu. Puru Katia nisciu appressu a iddu.

Tin. Puru Katia? Mancu a vitti, forse mentre scinnia i scali pi scinniri ccà passau...ma unni eru!..

CAMURRIUSA, CAPRICCIUSA, PIDUCCHIUSA

Ntu. A mari...

Tin. A mari?Cu stu tempu? Ma eru a piscari?(in quel momento entra Filip.)

Fil. Cu v'è a pisciari? Ntunietta sentu rumura strani ddà dintra, pari ca cci sunnu i fantasmi.

Tin. Cummà po' essiri, vu ricurdati 'nni me cucina? Canciaru casa, non li vulianu dintra!..

Ntu. Ccà dintra non cinnè cummà, i me nonni a nuddu ghittassiru fora...
'u sapiti com'è me maritu, quantu cosi strani senti!
(prepara le gocce di lexotan e gli e li dà)

Ntu. Cummà un mumentu ca 'u mattu 'no lettinu.

Fil. Quali cestinu, chi c'è l'asilu!?

Ntu. Amuninni ca ti fai un pisolinu...

Fil. Ancora pisellinu 'u chiami? Chissi nicaredda...

Ntu. (gridando) amuninni ddà dintra)

Fil. Vogliu stari ccà..(Ntun. lo mette a sedere nella poltrona e piano piano si riaddormenda)

Ntu. Cummà 'u viditi chi vita chi fazzu...(da vittima)

Tin. Lu vidu, la pazienza chi hai tu, nuddu l'avi, chissu cci dicia andura a tò jenniru...

Ntu. (incuriosita) Veru cummà, cci parlasti natra vota? Cuntami...

Tin. Petri, cci dissi: falla veniri quannu voli a tò soggira...

Ntu. E iddu...

Tin. O solito cummà...non vi merita, cummà iu non sacciu nenti...

Ntu. Ma chiffà scherzi? Mancu l'addiri..

CAMURRIUSA, CAPRICCIUSA, PIDUCCHIUSA

Tin. Di quantu prigavu a S. Giovanni Rutunnu, pi tutti...puru ppi purtari a paci e a serenità dintra sta casa...Anchi P. Piu do sguardu mi faccia ca tò jenniru non è cosa, avia lu sguardu cosi...(espressione buffa)

Ntu. Grazie cummà...Ti pari P. Piu puru i vidi sti cosi..

Tin. Ora mi 'nni vaiu, non vulissi ca arrivanu mi vidunu ccà e mi piglianu pi una curiusa...(si alza) fammi sapri qualcosa.(poi si avvicina a Filippo) sta durmennu, pari n'angileddu senza ali cummà...ma chi vita chi fai, di quant'avi chi cci pigliau stu colpu, pari ca l'aviti a metà!

Ntu. Sempre 'u dicu a tutti iu...(Tina esce)

SCENA V°**(Ntunietta, Filippo, Isabella, Franco)**

Ntu. Menumali ca haiu a me cummari ca mi capisci e chi mi difenni, picchi tutti fannu a doppia facci. (poi guarda il marito) pari veru un angioletto un pocu vecchiu, però...intantu si riduciu accussi, proprio quannu s'avia a godiri a pinsioni...mah! parsi fattu apposta...(verso il pubblico) Ma godu io!...

Fil. (si sveglia) Quali supposta...i gocci, 'u sciroppu, l'oliu di ricinu, ma quantu cosi mi voi dari...(entrano Isabella col marito)

Isa. Ciao mamma...papà...(si salutano abbracciandosi)

Ntu. Addevu chi dici.

Isa. Bonu è, 'u lassavu a me soggira..Pietro e Katia unni sunnu.

Ntu. A respirare aria di mari...(Filippo si v`a riaddormendosi)

Fra. L'aria di mari fa beni..

Isa. Guarda, s'addummisciu 'u papà.

Ntu. Cosi fa per ora, a chi è sveglio a chi s'alluppia...cci detti trenta gocce di lexotan...

Isa. Trenta? Ma sunnu assai...

CAMURRIUSA, CAPRICCIUSA, PIDUCCHIUSA

Fra. (ironico) Deci cchiù deci menu, 'u stessu iddu dormi...

Ntu. U vidi a mamma chi vita chi fazzu, pi iddu a pinsari, ppi tò soru a pinsari, poi specie ppi tò patri di quant'avi chi cci pigliau stu colpu, pari CA L'AVEMU A METÀ!...(tutti e tre)

Isa. Chi dici me soru, avi tri jorna can on la vidu...

Ntu. Non ti preoccupari a mamma, a vidu iu sempre.

Fra. A vidu un pocu stanca...

Ntu. Un pocu...I primi mumentu non eranu abituati, ora sunnu cuntenti ca ci vegnu aiutu e cci fazzu cumpagnia...(poi cambia tono) Vuatri vulistivu a libertà!...

Isa. Mamma non tuccamu stu tastu.

Fra. Cuminciassi a ripusarisi...

Isa. Ti facisti grannuzza ormai...

Ntu. To soru mi pari sempre nicaredda... tu scurdasti di quantu voti vinia iu 'nni vautri?!

Fra. (al pubblico) Vinia? S'avia stabilitu ddà...

Ntu. Non vi ricurdati ca eru sempre 'nni vautri?

Fra. E comu 'nu putemu scurdari!..

Ntu. Ora criscisti a mamma...

Isa. Menumali ca criscivu, per questo ho voluto ca mi lasciavi libera...

Ntu. Non cci diri a tò soru ca fusti tu...

Isa. Mamma, cerca di capire che...

Ntu. (interrompendola) Non voglio capi nenti per ora...(decisa e prepotende)

Fra. (al pubblico) Per ora! Mancu dopu...(entrano Pietro e Katia)

CAMURRIUSA, CAPRICCIUSA, PIDUCCHIUSA

Pie. Ciao...(abbattuto)

Ntu. Katia vulissi curcari ‘u papà, a ura di mangiari ‘ u svegliamu...asinò ‘u facemu dormiri? Chi dici tu...

Kat. Priparu u lettu...

Ntu. Già fattu è! Allura picchi vegnu a mamma si non ti dugnu ‘nna mano d’aiutu bona...

Isa. Prova a sveglialu...(Ntunietta lo chiama ripetutamente, muovendolo si sta svegliannu.

Fil. Haiu troppu sonnu...

Kat. Sono le gocce...

Fil. Quali bocce!

Ntu. Amuninni trasemu (lo sorregge) Katia aiutami...

Isa. Vegnu puru iu...(entrano)

Fra. Comti capisciu ‘u cugnatu...

Pie. Cu non cci passa non cci cridi.

Fra. Ma quant’avi chi sunnu ccà.

Pie. Avianu a veniri dumani, tempu ca Katia mu dissi e telefonau...
(la imita) Staiu vinennu a mamma...

Fra. Comu ti capisciu ‘u cugnatu...

Pie. (si accerta che nessuno lo sente, poi imbarazzato:) Senti Franco, ma tu comu faciату...comu trovavatu ‘u tempu pi...

Fra. Ammucciuni...ammucciuni...certi voti mentre chi idda era in bagno n’arriminavamu...

Pie. Ma si quannu và in bagno ccà, è cchiù veloci da luci.

CAMURRIUSA, CAPRICCIUSA, PIDUCCHIUSA

Fra. Puru 'nni mia, a dui minuti era cacata e stuiata.

Pie. Allora comu faciatu.

Fra. Quannu avia diarrea...

Pie. Ccà dintra a diarrea veni a me soggiru no a idda...

Fra. Veramente ogni tanto c'ha faccia smoviri iu,cci dava qualchi cioccolatinu di chiddu... poi dopu 'nna para di misi, 'u capiu e non 'nni vulia cchiù.

Pie. Allora iu non cci 'nni pozzu dari...chi sfortuna!

Fra. Inventati qualchi outra cosa.

Pie. Si non a risolve Katia, cci dicu a Donato chi pripara qualchi scherzetto, iddu è un scenziatu pi sti cosi...anzi troppu haiu aspittatu a Katia.
(escono Katia ed Isabella)

Isa. Di cosa stati parlannu.

Fra. 'Nni cuntavamu l'esperienza chi ficimu nautri...

Pie. Isa, semu cunsumati, mancu 'u cioccolatinu cci putemu dari...

Isa. Come vi capisco...

Pie. Grazie, sulu Katia non capisce...

Kat. Ma chi avissi a fari...

Isa. Senti a soru, tu non poi litigari sempre cu tò maritu pa' mamma...iu mancu trovava 'u curaggiu, ma un bel giorno mi l'abbattivu davanti e cci 'nni dissi quattru, ottu, dudici...

Pie. Facemu tridici ca po' purtari fortuna.

Kat. E qualchi bel giorno capiterà.

Pie. Bel giorno! Po' esseri ca chiovi sempre.

Isa. Purtroppo a mamma è accussi: Camurriusa!..

CAMURRIUSA, CAPRICCIUSA, PIDUCCHIUSA

Fra. Capricciusa!..

Pie. E piducchiusa!..

Isa. Certu sempre nostra madre è...però con tutto l'affetto, l'amore chi putemu aviri, non significa perdiri a paci, la serenità...

Pie. E L'AMORE!.. Mu staiu scurdannu...

Kat. Puru iu cociu dintra...

Pie. Si coci di fora è meglu!...

Kat. Farò di tutto.

Pie. Si non cci rinesci tu, cci pensu iu.

Fra. Nautri quantu suppurtamu, ma poi non 'nni pottimu cchiù!..
Katia, n'aviamu a vasari ammucciuni...

Pie. Ccà dintra mancu ammucciuni....

Fra. Ma per ora chi sta facennu. (Katia v'è a vedere)

Kat. (ritorna) S'addummisciu puru idda.

Pie. Comu mai!

Fra. Tranne ca non fa apposta...

Isa. Per ora avissi nisciutu... ti pari fà...fà...fà...e non fa nenti e si stanca chiassai.

Fra. Chi facemu Isa, amuninni ca addevu a va mangiari... Pietro, per ora avissi qualchi dui anni Giuseppe, invece avi sette misi..

Pie. Continuannu di stu passu nautri mancu unu a sette misi 'nn'avemu... non cci 'nni putiatu dari tri, quattru cioccolatini accussi aviatu cchiù tempu?..

CAMURRIUSA, CAPRICCIUSA, PIDUCCHIUSA

- Isa. (si alza) Katia, mi raccomando, prima cci pensi megliu è...e quannu t'arrabbiari fallu...(salutano ed escono)
- Pie. Hai capito moglie!
- Kat. Aiutami Pietro...
- Pie. Certo ca t'aiutu, si m'aiuti tu? Cosi finisci sta vita.
- Kat. Stasira 'nni curcamu 'no divanu?
- Pie. E quannu mai! Già iddi dormunu, sarannu 'no megliu sonnu...
- Kat. Si fici tardu...mancu fami haiu...
- Pie. Ccà dinra puru 'u mangiari satamu, menumali ca focaccia non 'nni purtavu asinò ristava.
- Kat. Priparamu 'u divanu.
- Pie. Comu dici tu.
- Kat. Mancu cci cridu ca 'nni stu mmentu non l'avemu pedi pedi...
- Pie. Mancu iu...
- Kat. Chi dici approfittamu a chi dormi?
- Pie. Aspetta (Và a controllare vicino l'altra stanza) Si sapia ppi sicurezza cci dava sessanta gucci...
- Kat. Sessanta, non sunnu assai?
- Pie. Hai ragioni, megliu novanta...
- Kat. Pietro, abbracciami, stavota è tutto a posto...(mentre si abbracciano)
- Ntu. (esce) Ma stasira chiffà non si mangia?(si lasciano imbarazzati, Pietro butta un urlo di sfogo) Cci doli a pansa? Katia pigliami 'nna coperta, ca sentu friddu...(Katia va a prendergliela)

CAMURRIUSA, CAPRICCIUSA, PIDUCCHIUSA

Pie. 'U vilenu cci vulissi no i gocci! Dumani chiamo all'amico Donato, ma va risolviri sta situazioni...(esce Katia)

Kat. Mi dispiaci Pietro.

Pie. Ammia chiassai... megliu fù, forse non mi ricordava cchiù comu si faccia Ora 'nni curcamu ca dumani è nautru jornu...**(Fine I° Atto)**

A T T O II°**(S C E N A VI°)****(Pietro, Katia, Donato, e la fidanzata Lucia)**

Pie. (mentre beve il caffè) Katia verso chiura si 'nni eru.

Kat. Prestu, tu ancora durmiatu.

Pie. Ma quali durmia, ero in dormi veglia, sintivu puru chi trafficu chi ficiru mentre si preparavanu, e poi quannu passaru di ccà, ficiru cadiri un saccu di cosi, comu avia dormiri!

Kat. Certu ca sta situazioni a va finiri...

Pie. (di scatto) Cu sta parola mi facisti rallegrare...

Kat. Però curaggiu non 'nni trovu!

Pie. Cu sta parola mi facisti ammusciari!.. cci pensu iu allura (deciso) Ormai dobbiamo essere decisi.

Kat. Chi voi fari Pietro?

Pie. Non ti peroccupari, parlu cu Donato ppi cuminaricci qualchi piccolo scherzo, iddu pi sti cosi è 'nnu scenziatu...

Kat. Non cumminari cosi brutti.

Pie. Certu non po' esseri bello, 'nna via di mezzu...

CAMURRIUSA, CAPRICCIUSA, PIDUCCHIUSA

Kat. Vogliu sapiri di chi scherzu si tratta.

Pie. Ancora mancu 'u sacciu iu, però avissi a esseri qualcosa ca a putissi fari scantari pi non falla veniri cchù.

Kat. E si poi cu lu scantu ristassi ppi sempre scantata?

Pie. Megliu, accussi è sicuru ca non veni cchiù...

Kat. E si cci ristassi e a purtassimmu di cursa ospidali?

Pie. Magari ristassi sicca prima d'arrivaricci! (Katia si risente) Scherzo dai...Katia, non ti preoccupari,chi voi ca è un piccolo spavento, e poi non cci sunnu paroli o altre vie, pruvamu accussi. (l'abbraccia) Non ti preoccupari...(squilla il telefono proprio mentre si abbracciano)

Kat. Non sugnu sicura di far stu scherzu...

Pie. Se idda al telefono 'u facemu, se non è idda rinviamu...(Katia prende telefono, mentre Pietro ad occhi chiusi impreca:)

Pie. Speriamu ca è idda...speriamo ca è idda...

Kat. Pronto...mamma chiccè!

Pie. (salta di gioia) A prima vota è ca satu di gioia quannu telefona me soggira...(passeggia contento)

Kat. Va beni mamma a mumentu vegnu (chiude)

Pie. (contento) Ora a sistimamu pi festi.

Kat. Voli ammia picchi cci vinni un forti duluri di testa...

Pie. Speriamo ca cci scoppia!

Kat. Ma a cui? A me patri cci vinni.

Pie. Cavolo! Tutti cosi a iddu vennu...allura pi oggi non vennu?

Kat. Dici ca vennu stasira, mangiamu e 'nni curcamu.

CAMURRIUSA, CAPRICCIUSA, PIDUCCHIUSA

Pie. Non sugnu tantu sicuru ca mangiamu...

Kat. Non esseri troppu pisanti cu stu scherzu.

Pie. Lassa fari ammia e a **Donato**, ca poi mi sento **resuscitato!**...

Kat. Poi mi dici tutto, ciao (esce)

Pie. (soddisfatto) Ora cci dicu a Donato ca si fa veniri qualchi bella idea... me cugnatu cci mittia 'u cioccolatinu, iu cci 'nni putissi dari quattru, cinqu, a diarrea a me soggiru vinissi no a idda. Ora telefono a Donato, (sta per telefonare quando entra Donato con Lucia)

Pie. Oh! Amico mio, proprio attia stava chiamannu, ogni tantu qualchi colpo di fortuna l'haiu! (saluta la signorina) Salve signorina... Donato è una tua amica?

Don. Ti presento Lucia, la mia fidanzata... tutta pi mmia!..

Pie. Certu, tutta pi ttia, non po' esseri pi mmia! Ma chi sugnu cuntentu, e ti Facisti zitu tuttu 'nzemmula?

Don. Tuttu 'nzemmula no! Prima, sintivu chiamari Lucia, poi ch'ivu appressu 'nni taliavamu, (Lucia ride) poi 'nni presentamu, cci siamo conoscioti, cci siamo piacioti e cci siamo fatti fidanzioti... quindi tuttu 'nzemmula non fù, ma a picca a picca...

Pie. Ma chi sugnu cuntentu, signorina s'accomodi, Donatu è 'u megliu amico meu...

Luc. Mi po' chiamari Lucia...

Don. Chiamala Lucia... è tutta pi mmia!..

Pie. Ma du cui è figlia!

Don. So matri cci muriu, fù a prima cosa chi ch'addumannavu...

Pie. Mi dispiaci... e so patri?!

Don. Avia murutu prima...

Luc. Cose chi capitannu, me matri muriu di crepacuore.

CAMURRIUSA, CAPRICCIUSA, PIDUCCHIUSA

Pie. (al pubblico) Sulu a me soggira non cci veni...

Luc. Un forte spavento da parte di me cugnatu e ristau sicca!

Pie. (incuriosito si avvicina di più) Chiddu chi ci vulissi ppi ddà disgraziata! ma comu fù signorina, cuntassi..cuntassi...

Don. Chiamala Lucia...è tutta pi mmia!..

Pie. Si, a chiamo Lucia, Luciedda, Lucina, Lucidduzza, basta ca mi cunta 'fattu...

Don. So matri era comu tò soggira!

Pie. Chi si fortunatu! Ta livasti di mezzu i pedi prima di maritariti...Però è strano ca c'era nautra comu me soggira! Cunta..cunta...

Luc. Me cugnatu non 'nni putia cchiù, anche mia sorella era esausta, sfinita!

Pie. E allura chi scherzu cci preparararu...

Don. Proprio chiddu c'avia pinsatu pi tò soggra.

Pie. (contento si strofina le mani) Appena vi maritati vi fazzu un regaluni...

Don. Dimmi Petru, tò soggira mi pari ca è superstiziosa?

Pie. Superstizzusa, superstetica, sempre a me soggiru cci veni...

Don. E' 'nna credulona...

Pie. Tutto cridi!

Don. Quindi dintra sta casadi dumani in poi cci sunni i spiriti, i fantasmi, accussi si piglia 'nna botta di scantu, si stinnicchia 'nterra e appena si susi, ccà dintra non cci metti cchiù pedi...

Pie. Picchi si resta sicca e non si susi cchiù non è megliu?

Luc. A me matri accussi cci capitau.

Pie. Chi fusti fortunatu Donà...

CAMURRIUSA, CAPRICCIUSA, PIDUCCHIUSA

Don. T'avia dittu c'avulia senza matri...

Pie. Lucia ma stu tò cugnatu sarà unu troppu scaltru, 'u vogliu canusciri...

Luc. Non c'è cchiù ccà...

Pie. Chi fici partiu?

Luc. Muriu dopu qualchi jornu pu' rimorso...

Pie. (si spaventa) Ah!.. eh!.. e tò soru chiffà?

Luc. Si sta godennu a vita!

Don. Pietro forse è megliu ca tò mughieri non si cci trova!

Pie. Sì, hai raggiuni... ora avvisu i me cugnati e cci spiegu tuttu.

Don. Accussi dumani cuminciamu con le prime apparizioni...

Don. Quali dumani! Stasira a m'acuminciari, ca dormi natra vota ccà dintra.

Luc. Bastanu 'nna para di lenzuola cu tri, quattru buchi...pi l'occhi,pu'nasu, e la bocca, anchi si i linzola si rovinanu...

Pie. Lucia, buchi 'nni putemu fari anchi deci, vinti, haiu troppu supportatu e sugnu rovinatu...

Don. Pietro e si capitassi ca ristassi veru sicca?

Pie. Comu si capitassi? Aviti a esseri sicuri...ora organizzamuni, io vi pigliu i linzola, poi scomparite, stasira fazzu scomparire puru a me mughieri non vulissi ca o postu di so matri, ristassi sicca idda...iu cumenciu a fare scena già appena veni a disgraziata, e vi raccumannu, faciticci capiri ca ccà dintra non la vuliti asinò finisci mali...aspittati (entra nell'altra stanza a prendere le lenzuola)

Luc. E' rovinato!

Don. E' disperato! Pensa si cci fussi tò matri, iu fussi comu a iddu.

CAMURRIUSA, CAPRICCIUSA, PIDUCCHIUSA

Pie. (esce con le lenzuola) Tiniti, sunnu lavati cu l'ammorbidenti, faciticci sentiri 'u javuru accussi capisci ca abitati ccà dintra. Ah! diciticci ca siti i nonni, Cosimo e Caterina...

Don. Non ti preoccupari Pietro.

Luc. Di dumani è libero...

Pie. Grazie, (li bacia) vi fazzu un regaluni grossu grossu.

Luc. Non si pigliassi di rimorso dopu, picchi ci tinemu o regalù...

Pie. Iu 'u cori bonu l'hiau! Sulu ca ddà disgraziata l'avi megliu di mia, picchissu facitila scantari forti...forti...

Don. Lassa fari a nautri.

Pie. Ah! Donato, s'avissi a veniri a signora Tina, picchi veni spissu e volentieri, viniti, facitila scantari accussi a cosa è cchiù credibili ancora.

Don. Appena a videmu trasiri entriamo in azione. (escono)

SCENA VII°**(Pietro, Tina, Franco, Isabella, Katia)**

Pie. (beve qualcosa, accende la radio e si siede rilassato) Fussi troppu bellu si sti scherzetto fa il giusto effetto...mi livassi'nna casa d'incontro, un palazzo, ma chi dicu palazzu; un grattacielo...intantu mi grattu i marrazzi, cusà non avissi arrinesciri. Signiruzzu si riesci t'addumu 'nna canniledda, un luminu longu quantu un frigorifero...(entra Tina)

Tin. Permissu!

Pie. Signora s'accomodassi...

Tin. Comu mai si sulu.

Pie. Già comu mai...

Tin. Chi hai Pittrineddu, ti vidu pinsirusu...

CAMURRIUSA, CAPRICCIUSA, PIDUCCHIUSA

Pie. Cci dissi non mi chiamassi Pittrineddu...

Tin. Va beni mi 'nni vaiu (si alza) si troppu nirvusu stasira...

Pie. No, no si 'nni issi, s'assittassi...è veru sugnu un pocu nervoso, avi qualchi sira ca sentu cosi strani ccà dintra, rumura strani...

Tin. Ma veru? Non è c'aviti qualchi fantasma dintra? Puru tò soggiru l'atra vota sintia cosi strani;chissa è 'nna casa antica e spissu 'ne casi antichi qualcunu c'è sempre...(Pietro ride per non farle capire niente)

Pie. Ma chi dici signora Tina, io non cci cridu a sti cosi, saranno sensazioni che avrò io,chi voli sugnu troppu stancu, stressato cu sta me soggira!

Tin. Comunque iu sacciu ca si manifestano quannu non vonnu a qualcunu...

Pie. E ccà dintra tutti bravi semu! E poi non cci cridu...anchi si cinnè assai ca cci cridunu!

Tin. Dillu a tò soggira, vidi si cci cridi a sti cosi, nautri antichi cci cridemu, vuatri moderni siti difficili. Pietro, 'nni 'nna me cuscina non vulianu ammia ddà dintra...'nna vota mi ficiru un occhiu russu uno biancu e u nasu viridi...

Pie. A bandiera d'Italia!

Tin. A proposito di tò soggira: mi permetto picchi sugnu a megliu vicinedda di casa vostra...

Pie. Senza dubbio,comu trasi e nesci lei di ccà dintra, sulu me soggira a vinci

Tin. Voli diri ca mu meritu...

Pie. Si lu stramerita... (ironico)

Tin. Ti stava dicennu: ma comu la supporti? Ma comu resisti?Vi sta facennu perdiri a paci!? Ma comu non lu capisci!?(tutto con un tono particolare)

Pie. (con lo stesso tono, al pubblico) Ma quannu c'ha finisci?! Signora Tina, pi amuri di me mughghieri e finu a quannu sugnu 'nni sta casa...

Tin. E vattinni di sta casa...

CAMURRIUSA, CAPRICCIUSA, PIDUCCHIUSA

Pie. Ci staiu pinsannu...(entrano pian piano Donato e Lucia già travestiti)

Tin. A me cummari cci la fari iu un pocu di catechismo.

Pie. Non senti mancu o parrinu e sintissi a lei? (si gira facendo finta di spaventarsi)Mamma mia!...cu siti, chi vuliti...

Don. (con voce alterata, ma è consigliabile un sottofondo di musica d'orrore)
Sugnu Cosimu 'u nonnu di tò soggira!...

Luc. Sugnu Caterina a nonna di tò soggira!...

Tin. (già spaventata,abbraccia Pietro) Pietro (parla a stento) fantasmi sunnu,
spiriti sunnu...staiu murennu...

Don.Luc. Unnè tò soggira...divintau niputi insopportabile, non la vulemu...

Pie. (fa sempre scena) Cu siti...io non cci cridu...

Tin. Cridicci Pietro, Signiruzzu beddu staiu murennu (sviene e cade sopra il
divano o per terra)

Pie. Pi favuri io non c'entro,si assicura che Tina sia svenuta) Bravi...bravi,
funziona (salta di gioia) nisciti ora, appena veni me soggira facitila
scantari chiassai di idda...(escono) Sveglia...non cci sunnu cchiù...
(continuama non sisveglia) Chi fici muriu? Speriamo ca a ddà
disgraziata cci fa 'u stesso effetto...troppu bonu funziona...sveglia...
(si va svegliando e Pietro si fa vedere ancora impaurito)

Tin. P i a t r o...P i a t r o...

Pie. Mancu chiamari mi sapi cchiù!

Tin. Tu non cci cridiatu, l'avianu cu tò soggira (spaventata parla a stento)
Mi svegliasti ca respirazione bocca a bocca...

Pie. No, cci detti timpuluna!

Tin. Mi nni vaiu, sugnu troppu scantata, haiu 'u cori troppu deboli.

Pie. Sapi nenti me soggira comu l'avi?

CAMURRIUSA, CAPRICCIUSA, PIDUCCHIUSA

Tin. Mi 'nni vaiu...

Pie. Signora non mi lassassi sulu (fa scena) ma comu mai si manifestaru ora!

Tin. Iddi si manifestanu quannu vonnu, mi vaiu a pigliu 'nna pinnuldda...
(mentre esce, vaneggia)

Pie. (salta di gioia) Funziona...funziona... 'u regaluni cci fazzu, i picciotti su meritanu...(entrano Franco ed Isabella)

Isa. Pietro chiccè, a signora Tina parlava sula!

Pie. Megliu accussi non la senti nuddu...

Fra. Curriti...curriti ca è sulu dicia.

Pie. (ride) Assittativi ca vi cuntutu.

Isa. Chi stai architettannu.

Pie. Uno scherzetto per tua madre.

Fra. Si sunnu cioccolatini non funziona...

Pie. Quali cioccolatini, cu chiddi cci vinia a diarrea, forse...cu chissu cci veni 'u cacaruni e resta sicca comu un passuluni! Senti Isabella, tu lo sai, vautre passastivu i guai e poi chiaro e tunnu cci dicistivu (fa il gesto) smasma...purtroppu ccà dintra non si 'nni va 'ne cu li cioccolatini né cu lu smasma!

Fra. Allora! (preferibilmente assieme alla moglie)

Pie. Si 'nni v'è cu lu fantasma!

Isa. Troppu pisanti mi pari.

Fra. Ma quali pisanti...(entra Katia)

Kat. Chiccè riunioni?

Pie. Sediti ca senti puru tu.

CAMURRIUSA, CAPRICCIUSA, PIDUCCHIUSA

Kat. Chi dulura c'avia 'u papà mischinu, ora cci calmau un pocu e cchiù tardu vennu...

Pie. Sicuru vennu veru?

Kat. Ma chi hai ca si cuntentu.

Pie. Tu stasira ti 'nni vai ni to soru e ti curchi ddà!

Kat. Non staiu capennu.

Pie. Stasira cci sunnu i Fantasmi...

Fra. (ride) E chiddi cafuddanu..

Isa. Pietro l'importante ca no diventa troppu pesante...

Fra. Ma cchiù pisanti di idda cuccè!

Kat. Io resto, vogliu teniri a situazione sotto controllo.

Pie. Si,accussi poi curremu ppi ttia!

Kat. Ma si si scanta forte... forte...

Pie. E sa va scantare piano...piano?...

Kat. E si ristassi sicca!?

Pie. Natra vota! A facemu unghiari ca pompa! Ma quali sicca e sicca, deve prendere uno spaventino per tenersi 'u sederino...e poi iu sugnu ccà, si capissi c'avissi a ristari sicca, telefonassi subito o becchinu!
(lo guardano) Sherzo...

Kat. Mi pari troppu pisanti...

Isa. Dai Katia, puru iu l'avia dittu, però è l'unico modo, megliu pinsaricci ora... Katia asinò siti fritti...

Fra. Dai ca sarà un beni pi tutti, anchi pi idda...

Pie. Allora stasira con qualchi scusa vai 'nni to soru, o magari a pigliati vautre, e ti curchi ddà ppi 'nna notte.

CAMURRIUSA, CAPRICCIUSA, PIDUCCHIUSA

Isa. (Abbracciando la sorella) Coraggio Katia, sempre nostra madre è!
Però certe decisioni s'hanno a pigliari...non hai cchiù paci cu tò maritu,
non putiti mangiari chiddu chi vuliti, non putiti respirari, non vi putiti
alzari quannu vuliti...

Pie. Finisti?

Isa. Picchi!

Pie. Cci 'nni fussiru ancora!...

Fra. Ora vi lassamu suliddi, dai Katia ca o prossimo anno aviti un picciliddu.

Pie. Quali prossimo anno...di dumani già cuminciamu a pruvari...cci voli
'u rotaggiu prima...(ridono tutti, Isab.eFranco salutano ed escono)

S C E N A VIII°**(Pietro, Katia, Lucia, Donato)**

Pie. Stai tranquilla, non ti preoccupari...

Kat. Stai attento, iu sugnu cuntenta d'aviri a nostra libertà, il nostro amore,
però penso ca s'avissi a succediri qualcosa...murissi cu rimorso!
secunnu tia, cristiani mai 'nni morunu cu rimorso?!

Pie. Iu non l'haju mai sintutu! Ti dissi non ti preoccupari, con lo spavento
po' sulamente sveniri; cu dui timpuluna si sveglia.

Kat. E si non si svegliassi cu dui timpuluna?

Pie. Pruvamu a pugna...

Kat. E si non si sveglia a pugna?

Pie. Voli diri ca muriu...(Katia lo guarda stupita) Scherzo, amore...

Kat. E me patri, chiddu avi già i so malanni...

Pie. Cci damu i gocci e s'addummisci ddà dintra.

Kat. Già cci 'nni detti trenta me matri.

CAMURRIUSA, CAPRICCIUSA, PIDUCCHIUSA

- Pie. Pi sicurezza cci 'nni damu nautri quaranta! Dai ora non fari a broccolona eabbrazzimi forte, e pensa ca poi 'nni putemu curcari curcari quantu vulemu 'nna nostra stanza (insieme) di LETTO! (mentre stanno per abbracciarsi, Katia si svincola)
- Kat. Aspetta ca mettu 'u telefonu fora posto. (mentre v\`a, squilla...)
- Pie. Figlia di bona matri, mancu tempu di mettilu fora postu duna!
- Kat. Pensi ca \`e idda?
- Pie. 'Nni stavamu abbrazzannu, quindi!...si non \`e idda mi fazzu monacu!
- Kat. Pronto, mamma chicc\`e...non ti preoccupari, non purtari nenti ca 'u mangiari c'\`e!..(chiude)
- Pie. Non voli mancu ca mi fazzu monacu...iu pensu c'\`avi qualchi telecamera misa cc\`a dintra...
- Kat. Dici ca perdi un po' di tempu ca prima avi a passari da farmacia. iu stasira l'affrontassi, mi sta vinennu 'u curaggiu.
- Pie. Mu vitti stu film...
- Kat. Pruvamu...
- Pie. Katia ormai lassamu stari i cosi comu sunnu...
- Kat. Mancu ma dittu cu sunnu sti fantasmi.
- Pie. Donato e a so zita.
- Kat. A so zita? E quannu si fici zitu, accussi tuttu 'nzemmula?
- Pie. Tuttu 'nzemmula no, a picca a picca f\`u, antura vinni e ma presentau.
- Kat. Ma cu \`e sta picciotta.
- Pie. Di un paisi cc\`a vicinu.
- Kat. I genitori li canuscemu?

CAMURRIUSA, CAPRICCIUSA, PIDUCCHIUSA

Pie. So matri è morta.

Kat. E comu muriu...

Pie. Di morte naturale, accussi mi dissi.(entrano Donato e Lucia)

Don.Luc. Unnè 'Ntunietta, nostra niputi.(Katia spaventata si stringe a Piet.)

Pie. Non ti scantari, iddi sunnu...

Kat. Ma sunnu precisi..

Pie. Specialisti sunnu, chiuttostu pensa o regalù chi ch'amaffari, ca appena si maritanu, s'arrinescinu a tuttu si meritanu un regaluni.

Kat. E si non cci renescinu?

Pie. Non vogliu essiri inviatu...

Don. Katia lassa fari ammia e a Lucia ca è tutta pi mmia...(ride)

Pie. Ora ammucciativi ccà dintra, accussi nisciti di ccà stessu ca si cci cridi megliu. (si nascondono nell'altra stanza)

SCENA IX°

(Katia,Ntunietta,Filippo,Tina,Franco,Isabella,Donato,Lucia)

Kat. Pietro, ppi forza 'nni me soru a ghiri ...

Pie. Ma si a mumentu t'avia a purtari ospitali!

Kat. Speriamo che va tutto bene...

Pie. Sicuro, tutto bene...(Katia lo sta per abbracciare)

Pie. Non m'abbracciare ca poi telefona...

Kat. Sarà a farmacia per ora...(mentre si abbracciano)

Ntu. (entra col marito) Beddi chi faciti...non aviti nenti di fari?

Pie. (svincolandosi) Chi cci siccassiru!...

CAMURRIUSA, CAPRICCIUSA, PIDUCCHIUSA

Fil. (al genero) Cu si tu!

Pie. Sempre chiddu...

Ntu. A mamma, di cosa hai bisogno... e scusati si vinni un pocu in ritardu.

Fil. Iu haiu sonnu...

Ntu. E dormi...

Pie. Ci dassi natra pocu di gocci accussi s'addummisci prima.

Ntu. Già si 'nna pigliatu qualchi sessanta 'nni sta jurnata...

Kat. Assettati papà (lo aiuta)

Ntu. Ora mangiamu, a mamma haiu un buco 'no stomaco...

Pie. Cu c'hu fici!

Kat. Si voi mangiamu subitu, cci sunnu alivi sott'olio, asparagi...

Ntu. Alivi sott'olio? Asparagi? A mamma sunnu pisanti alivi; io l'atra vota ppi mangiarini 'nna vintina, e tò patri dui, tri, a tò patri cci vinni l'intossico...

Pie. Mangia idda e i malanni vennu a me soggiru (al pubblico)

Ntu. Asparagi? Mai lu senti l'urina di quantu diventa pisanti e di comu puzza?...

Kat. Arrustemu dui pipi allura...

Ntu. Pipi? Di sira? Katiuccia, ma ti voi cunsumari?

Pie. Di quantu semu cunsumati!...(al pubblico) Ammia mi passau a fami... (squilla il telefono, Katia lo prende)

Kat. Pronto...Isabella chiccè..

Ntu. To soru è?...Cci parlu iu...(la invitano al silenzio)

CAMURRIUSA, CAPRICCIUSA, PIDUCCHIUSA

Kat. Va beni, vegnu io non ti preoccupari (chiude) dice ca so soggira si sintiu mali e a stannu purtannu ospitali, cci vaiu a tegnu addevu, picchi sicuru farannu nuttata.

Ntu. Si voi cci vaiu iu a mamma, comu mai non chiamau ammia.

Pie. Avi a so maritu, megliu ca resta ccà...

Kat. Picchissu me soru non ti dissi nenti.

Pie. Ma forse mangiau pisanti e a stannu ricoverannu?

Ntu. Sicuru, idda stu vizio l'avi, purtroppu a me figlia Isabella sott'occhio non l'hiau cchiù..a vautre però ancora vi guidu e menumali, asinò cusapi quantu voti avissivu sbattutu...e poi iu avissi a riparari!

Pie. Avemu l'autista e 'u carrozzeri!...(al pubblico)

Kat. Mi pigliu qualcosa e vaiu (entra nell'altra stanza)

Pie. (fa scena) Mannaggia proprio stasira non cci vulia...

Ntu. Scappassi iu...i sacrifici chi facissi pi me figli!

Fil. (che si era unpo' svegliato) Ma quali trighhi e trighhi...sempre a mangiari pensi...

Pie. L'accumpagnu iu, pinsassi pu' papà...(esce Katia)

Kat. Pietro non cci sunnu i linzola do lettu granni...

Pie. (imbarazzato aveva dimenticato di dirglielo) I purtavu a lavanderia eranu lordi, ora a mamma e o papà cci pigliamu chiddi senza c'ingnati...

Ntu. Itivinni ca i pigliu iu, picchi sugnu ccà pi non fari nenti? (escono)

Ntu. (si avvicina al marito) Filippo... natra vota s'addummisciu, a chi dormi a chi è svegliu, a chi capisci a chi non capisci, a chi senti achi non senti... (sospirando) di quant'avi chi cci vinni stu colpu pari ca l'hiau a metà... (entra Tina, spaventata rimane vicino alla porta)

CAMURRIUSA, CAPRICCIUSA, PIDUCCHIUSA

Tin. Cummà...

Ntu. Trasi cummà...

Tin. Veramente haiu primura...

Ntu. Trasi, a quannu a quannu semu sulì e putemu parlari megliu...

Ntu. Nuddu sa vistu?!

Ntu. Cu s'avia a vidiri...ma picchi ristati vicinu a porta...

Tin. Haiu primura...ma non sa vistu nuddu?

Ntu. Ma stasira si allampata?

Fil. Marmellata? Ma tutti i cosi strani di mangiari nomini?

Ntu. Dormi tu...(versa altre gocce) Allora cummà, cci dugnu sti gocci accussi putemu parlari senza esseri disturbati...

Tin. (girandosi a destra, a sinistra e di dietro) Veramente ti vulissi avvisari ma non sacciu si fazzu bonu...

Ntu. Dimmi tuttu chiddu chi voi, me jenniru non c'è...però non stari ancora vicino a porta...(Filippo mentre sta per dormire col braccio fa cadere qualcosa che sta vicino alla sedia dov'è seduto)

Tin. (Si spaventa) Matri mia ccà sunnu...

Ntu. Ma chiccè...cummà ma vi scantati di nenti? Chi fai trasi o nesci?

Tin. Veramente penso chiassai di nesciri ca di trasiri...Cummà stai attenta ca i bon'armi de to nonni giranu casa casa....

Ntu. (ride) Ti sunnasti qualcosa?

Tn. I vitti e l'hannu cu ttia...

Ntu. Trasi ca ti dugnu un pocu d'acqua...(la prende facendola entrare pian piano)

Tin. Però staiu picca, haiu troppa primura...(pian piano escono Donato e Lucia)

CAMURRIUSA, CAPRICCIUSA, PIDUCCHIUSA

Don.Luc. Ntu...ni...e...tta (musica d'orrore a piacere)

Tin. Megliu ca niscia...(Ntunietta spaventatissima fa scena)

Don. Sugnu... to nonnu... Cosimo...

Ntu. (si stringe alla comare) Tinuzzaaaaaaaaa...stringimiiiiiiii... .

Luc. Sugnu... a nonna...Caterina (sempre con la voce alterata) Ntunietta...
(le due comari scappano, girano intorno atterrite esclamando delle frasi
soggettive)

Don. Lassa stari sta casa, rovinasti sti picciotti, anche ca si nostra niputi,
ti mangiamu 'u figatu...

Tin. Cummà comu nesciu iu...

Ntu. Non nesciri, stai cu mmia..

Tin. Haiu primura...

Luc. Tu fai 'u doppiu giocu, ora ti rusicamu viva..

Tin. Io non c'entro!...(Don.e Luc. si avvicinano di più verso loro)
Mamma mia...(sviene)

Ntu. (gira da sola) Filippo...Filippo...aiuto...mi stannu affucannu!...
Cummà susiti, aiutami...

Luc. Nni sta casa a scumpariri...non ti vulemu...(entra Pietro)

Pie. Chiccè...cu siti...chi vuliti...

Don. Semu i spiriti...non vulemu a tò soggira, è troppu (assieme a Lucia)
CAMURRIUSA...CAPRICCIUSA...PIDUCCHIUSA...Ora a facemu
a saziza...

Ntu. (spaventata da sembrare isterica) Vi prego, non vegnu cchiù...

Luc. Giura...

Ntu. Giuru supra...supra...(stretta al genero)

CAMURRIUSA, CAPRICCIUSA, PIDUCCHIUSA

Pie. Giurassi prima ca cci scippanu ‘u coddu...
(la stanno per prendere)

Ntu. Giuru supra ‘u me niputeddu (sviene)

Pie. (la lascia cadere per terra) Rinisciu, a picca a picca finisti di fari azzicca.
(salta di gioia) A bella lezione ta detti...spero ca non mi rumpi cchiù
i scatoletti...

Don. Ricordati ‘u regaluni...

Pie. Siete i miei salvatori...

Luc. (guarda Ntunietta a terra) Chi fici muriu?

Pie. Speriamo...Ora scumpariti poi ‘nni videmu...(sene vanno)
ancora respira, speriamo ca non cci voli assai prima ca mori, picchissu
aspettu magari...(po le da delle sberle) Sveglia...(guarda tutti e tre)
videmu cu si sveglia prima...e si qualcunu muriu, sti spisati de tabuti
cu li fà? (entra Katia)

Kat. Pietro tutto a posto?

Pie. A postissimo!

Kat. Mamma...mamma...(poi guarda il padre) Puru me patri si scantau?

Pie. No, iddu alluppiatu era già...

Kat. Mamma sveglia...sveglia...(la smuove tutta)
Pietro non si movi, non si sveglia, pari ca non respira....

Pie. Non vidi ca si cci movinu i pila di nasu!? Sveglia...(continua ora con una
poi con l'altra) duri sunnu...cci vulissi qualchi martiddata ‘ntesta...
Sveglia...(Ntunietta si v`a svegliando)

Kat. Mamma iu sugnu Katia...(vicino c'è il genero e mentre Ntun. si alza
leggermente la testa dice: Katia chi ti tagliasti i capiddi? Assomigli
a tò maritu...

Pie. Pi ttia mi scambiau...

CAMURRIUSA, CAPRICCIUSA, PIDUCCHIUSA

Kat. Non è chi po' ristari babba!

Pie. Speriamo!

Ntu. Non mi purtati a me casa, ca cci sunnu i spiriti...

Pie. (al pubblico) Chi cci fici effetto contrario? (si appresta a chiarire)
Veramente non eranu a so casa, eranu ccà dintra. (si va svegliando Tina)

Tin. Io non c'entro...(scioccata) io non c'entro...P.piu, quantu prigavu...(continua un po' a vaneggiare finendo con:) io non c'entro...

Pie. Tutti 'nnuccenti sunnu!

Tin. Iu non cci vegnu cchiù ccà dintra...(gridando) iu mi 'nni vaiu...(Katia l'aiuta ad alzarsi) Iu non vegnu cchiù...

Kat. L'accumpagnu iu...

Tin. (spaventata) No...no ca siti diavuli...diavuli (scappa verso fuori)

Pie. A prima 'nna livamu di mezzu..chidda cchiù dura è idda!

Pie. Pietro chiamamu l'ambulanza? (mentre Ntun. continua a farneticare)

Pie. Aspittamu...si mori a chiamamu...

Ntu. I me nonni...'u coddu..'u figatu...(comincia un po'a riprendersi)

Kat. Mamma, iu sugnu Katia...

Ntu. A unni sugnu a mamma..

Kat. A casa si...

Ntu. Non cci vaiu cchiù a me casa, vitti i spiriti...

Pie. Natra vota? Veramente si trova a nostr...

Kat. Zitto, c'hu dicu iu delicatamente accusi non si scanta! Mamma veramente sia nostra casa...

CAMURRIUSA, CAPRICCIUSA, PIDUCCHIUSA

Ntu. Va beni a mamma..

Pie. Dicci ca i spiriti eranu ccà..

Kat. I spiriti eranu ccà dintra, c'eranu i nonni...

Ntu. (grida spaventata) Ora ricordu, veru è, ccà eranu, facitiminni iri...
non cci pozzu stari ccà...(Pietro in un angolo salta gioioso)

Pie. L'accumpagnu iu, subitu...(entrano Franco ed Isabella)

Ntu. Accumpagnatimi dintra a me casa, i me nonni non vonnu...
(Isab.ed il marito la fanno uscire)

Kat. (guarda il padre) A me patri 'u lassamu ccà?

Pie. Iddu propriu 'nni stu mumentu fastidiu non 'nni duna, cu tutti sti gocci
sarà in coma...(poi abbraccia la moglie) Katia finalmente!...(entrano
Donato e Lucia) Puru vautre? Camurria!...

Don. Vuliamu vidiri si tuttu era a postu.

Pie. Tutto a postissimo...

Luc. U regaluni nu' meritamu?

Pie. Grossu grossu vu' facemu...a chi siti ccà, faciti nautru favuri: pigliativi
a me soggiru e l'accumpagnati a casa. (lo prendono ed escono)
finalmente soli e nuddu chi cci rumpi a testa.

Kat. Pensi ca veni picca e nenti me matri ora?

Pie. Iu pensu ca non veni cchiù...Katia, recuperamu tuttu 'u tempu persu
però ppi sicurezza metti 'u telefonu fora postu...(poi al pubblico)
E 'u Signuri, vi scansi di 'nna soggira CAMURRIUSA, CAPRICCIUSA
e PIDUCCHIUSA...

Kat. Picchi 'u dici puru a iddi...

Pie. Accussi cci pensanu prima e si regolanu di conseguenza! Da metti 'u
telefono fora postu...(Katia mentre và, squilla il telefono, Pietro si mette
le mani in testa, mentre Katia si gira verso il marito con un'espressione
d'incredula)

CAMURRIUSA, CAPRICCIUSA, PIDUCCHIUSA

Kat. Pronto Mamma!?!.. (chiude il telefono)

Pie. A questo gentile pubblico voglio **dire** due parole per **finire**...questa commedia vi ha fatto **divertire** ma vi ha fatto anche **riflettere**, non fate mai nessuno **intromettere**...Si aviti nna' soggira di sta **manera**... megghio due anni di **galera**... e ricordativi megghiu stari in un **vanu**... ma da tutti **luntanu!**...

(Fine II° atto)

(Per ogni rappresentazione è necessaria l'autorizzazione degli autori)

Tel. Autori: Fisso: 090/638009

Calogero- cellulare: 3393359882

Rosanna- cellulare: 3490730285

(A tutti coloro che amano con il cuore il teatro)

Al Presidente della compagnia di Leonforte Nino Laneri, al regista, ed a tutti i componente della compagnia Il Conoscersi.

Rappresentata dalla compagnia "Armonia" di Cefalù con grande successo di critica e pubblico al teatro Astro di Cefalù; ed al teatro Astra di Castelbuono (Pa) Scegliendola fra la rassegna teatrale invernale per portalla in turne estiva. Rappresentata anche dalla compagnia **LIOTRU di Catania** con grande successo al teatro Don Bosco da altri gruppi teatrali del messinese ed in preeparazione da altri gruppi siciliani. In preparazione di altre compagnia della puglia, Sicilia, Calabria, Potenza